

Kipim Ol Sanbij Blong Vanuatu i sef Blong Ol Total

Folem ol rul ia blong:

- ▶ Mekem isi blong ol mama total oli krol i go antap long sanbij blong putum ek blong olgeta
- ▶ Mekem i sef blong ol bebe total blong krol i go daon long solwota
- ▶ Protektem ol nes blong total
- ▶ Protektem ol impoten ples blong silip blong total

Protektem Ol Rif Mo Ol Grass Blong Solwota

- ▶ Katem daon karbon footprint blong yu
- ▶ Katem daon plastik footprint blong yu
- ▶ No yusum tumas kemikal (olsem fetilaesa mo pestisaed) we i save polutem solwota
- ▶ Yusum ol krim blong blokem sun long skin blong yu we i no save spolem rif



Kipim Ol Sanbij long tudak long taem blong nes

- ▶ No mekem faea, no flas foto, no toj
- ▶ Ofem ol aotsaed laet long ol haos kolosap long sanbij
- ▶ Sarem ol keten blong windo, mo muvum ol laet i go longwe long windo
- ▶ Sapos yu nidim laet, yusum olgeta we i gat longfala wev (orenj o red), laet we i no strong tumas
- ▶ Fasem ol laet i go daon mo blokem blong laet i no go long sanbij

Folem ol rul blong lukluk total taem yu luk wan long sanbij
Stap kwaet mo givim spes long total.
Luk ol rul ia long QR kod.




Tingbaot gud eni Developmen long ol sanbij blong nes

Ol haos, wol, o jeti i save stopem total blong kam nes. No bildim wol long solwota, planem ol tree we i save holemtaet sanbij blong protektem long bigfala ren.

No letem Il jea, ambrela, o tent long sanbij long naet

No stikim ambrela o bildim sandkasol antap long solwota mak long dei from bae yu save brokem ol nes

Letem ol bot long moring o pulum i go antap long sanbij long ples we bae oli no blokem rod blong ol mama total mo ol bebe total.



Publikesen ia hemi mekem blong Vanuatu
Environmental Science Society wetem sapot
blong European Union.

